



ISUMAQATIGIISSUT

SULINERMIK INUUSSUTISSARSIUTEQARTUT
KATTUFFIATA (SIK)

AAMMA

ROYAL GREENLAND A/S-IP

AKORNANNI

2026 – 2028

Imarisai

§ 1 - Isumaqatigiisummi pineqartut.....	4
§ 2 - Suliffiup sivilissusaa.....	5
§ 3 - Unikkallarnerit	5
§ 4 - Akissarsineq	6
§ 5 - Tunngaviusumik akissarsiat.....	6
§ 6 - Ukiunut suliffigisanut tapeq.....	8
§ 7 - Akissarsiat ingerlaannarnerat	9
§ 8 - Qaangiuttoorneq qaangiuttoornermullu taarsiullugu sulinggiffeqarneq	9
§ 9 - Sapaatini nalliuttunilu tapit	11
§ 10 - Nalliuttuni sapaataanngitsuni akissarsiat	11
§ 11 - Piffissani nikingasuni paarlakaallunilu sulisarnernut tapit.....	12
§ 12 - Sillimanermut tapit	13
§ 13 - Pikkorissutsimut tapit il. il.....	13
§ 14 - Soraarnerussutisiassanut akiliutissat taakkualu akilerneqartarnerat	14
§ 15 - Qaammarsaanermut ilinniartitaanermullu Aningaasaateqarfik,	14
Sulinggiffeqarnermi Angalanermut Aningaasaateqarfik.....	14
kiisalu Isumaginninnermut Aningaasaateqarfik.....	14
§ 16 - Napparsimaneq	15
§ 17 - Meeqqap napparsimanerani sulinggiffeqarneq	17
§ 18 - Sulinggiffeqarnerit immikkut ittut allat	18
§ 19 - Pisortani suliaqartitaaneq.....	19
§ 20 - Sulinermit atatillugu angalanerni aningaasartuuteqarnerunerit.....	20
§ 21 - Sullisit, isumannaallisaanermilu atisat atortullu	21
§ 22 - Sulinermit unitsitsinerit.....	21

§ 23 - Assuarlersinnaatitaaneq	22
§ 24 - Sulinggifteqarneq sulinggifteqarnerisutillu.....	22
§ 25 - Naartuneq, ernineq qitornavissiartaarnerlu	22
§ 26 - Isumaqatigiinnginnerit soraarsitsinerillu assigiinngitsut.....	23
§ 27 - Sulisut sinniisaat pillugit malittarisassat	23
§ 28 - Soraarniuteqarneq / soraarsitsineq	23
§ 29 - Piffissaq isumaqatigiissutip atuuffia	25
Ilitersuut.....	26
§ 2 - Suliffiup sivilissusaa	26
§ 3 - Unikkallarnerit.....	27
§ 7 - Ukiut suliffinnut tapeq.	28
§ 16 - Napparsimanermusiat.	29
§ 17 - Meeqqap napparsimanerani sulinggifteqarneq.....	29
Allat - Sulisut avataanit aggersakkat	30
Allat - Pikkorissarnerit il.il.	30

§ 1 - Isumaqatigiisummi pineqartut

Isumaqatigiisummi matumani pineqarput:

- a) Sulisartut ilinniarsimasut akunnermusiallit,
- b) Inuussutissalerinermi sulisartut ilinniagaqanngitsut akunnermusiallit,
- c) Laboratorieassistentit,
- d) Niuernermi allaffinnilu sulisut,
- e) Ilinniartut,
- f) Inersimasutut ilinniartut,

Royal Greenland A/S-imi akunnermusialittut atorfinitsinneqartut isumaqatigiissutinullu allanut ilaatinneqanngitsut, maannamiit sulisartutut taajorneqartut.

Imm. 2. Sulisartut, svenditut allagartallit imaluunniit ilinniartuusimanermit, EFG-mi ilinniartuusimanermit STI-miluunniit ilinniartuusimanermit uppernarsaatillit, ilinniagalittut sulisartut pillugit malittarisassanut ilaatinneqarput, suliaqarfimmi svenditut allagartaqarfigisamut ilinniarnermulluunniit uppernarsaateqarfigisamut tunngasunik suliaqaraanni.

Imm. 3. Sulisartut imm. 2-mi ilaatinneqanngitsut ilinniagaqanngillat.

Imm. 4. Ilinniagaqarani sulisartoq immikkut pisoqartillugu isumaqatigiisummilu illuatungeriit akornanni isumaqatigiinniartoqareerneratigut qaffatsinneqarsinnaavoq ilinniagalittullu akissarsiaqartinneqarluni.

Imm. 5. Ilinniartut praktikkerneranni Naalakkersuisut, Finansministeriap aamma Sulinermik Inuussutissarsiteqartut Kattuffiata akornanni ilinniartut pillugit isumaqatigiissutaanni malittarisassat atorneqassapput.

Imm. 6. Inersimasut ilinniartut praktikkerneranni isumaqatigiisummi matumani sulisartut ilinniarsimanngitsut pillugit malittarisassat atorneqassapput.

§ 2 - Suliffiup sivilissusaa

Suliffiup nalinginnaasup sivilissusaa (sulinermut piffissaq nalinginnaasoq) sapaatip akunneranut akunnerit 40-pput. Suliffeqarfiup pisariaqartitai naapertorlugit sulinermut piffissaq sapaatip akunnerani ullunut ataasiakkaanut inissitsiterneqassapput. Sulisartoq sapaatip akunnerani ulluni arfineq marlunni nalinginnaasumik ullut marluk sulinggiffeqartassaaq: Tamannali najukkami isumaqatigiis-suteqarnikkut avaqqunneqarsinnaavoq.

Imm. 2. Suliffeqarfiup pisariaqartitai eqqarsaatigalugit sulisartumik sulisullu sinniisaannik oqaloqateqareerluni piffissap nalinginnaasumik suliffiusup qanoq inissisimanissaa sulisitsisumit aalajanferneqassaaq. Isumaqatigiingittoqartillugu SIK uparuaasinnaatitaavoq, takuuk § 23.

Imm. 3. Piffissami nalinginnaasumik suliffiusumi sumiginnaanermi akissarsianik ilanngaasoqartarpoq. Akissarsianut ilanngaasut, akunnerit sulinggiffiusut tamarmik, akunnermi pineqartumi sulisartup akunnermut nalinginnaasumik akissarsiaanik annertussuseqarpoq.

§ 3 - Unikkallarnerit

Isumaqatigiissut una naapertorlugu sulisartut ullormi suliffiusumi 2 x 15 minutsimik sulisitsisut akiligaannik unikkallarsinnaatitaapput.

Imm. 2. Tamatuma saniatigut sulisartut namminneq akilikkaminnik ullormi suliffiusumi akunnerup affaanik nerinissamat unikkallarsinnaapput, sulisartut namminneq atorsinnaasaannik suliffimmiittariaqanngitsumillu.

Imm. 3. Unikkallarfiissat tunisassiorfinni ataasiakkaani sulisut suleqatigalugit tunisassiorfiup aqutsisunit aalajangersarneqassapput.

§ 4 - Akissarsineq

Sulisartunut akunnermusialinnut akissarsinissamut piffissaritinneqartoq ullut 14-iupput.

Imm. 2. Sulisartup Kalaallit Nunaanni Danmarkimiluunniit aningaaserivimmi kontomik akissarsianik nuutsiviusinnaasumik ilisimatitsissaaq.

Imm. 3. Akunnermusialinnut akissarsiat piffissap akissarsiaqarfiusup naanerani sapaatip akunnerrata qaangiunnerani tallimangornermi tiguneqarsinnaalissapput.

Imm. 4. Sulisartup akissarsiassani imm. 3 naapertorlugu ullormi tigusiffiusussami pisinnaasimanngippagit, sulisartup noqqaaneratigut tunniunneqassapput.

Imm. 5. Nalinginnaasumik akissarsiffissaq nalliuttuusimappat ulluinnarmi ulloq nalliuttoq sioqqullugu tunniunneqassapput.

§ 5 - Tunngaviusumik akissarsiat

Tunngaviusumik akissarsiat nal. akunneranut imatut annertussuseqalertussanik qaffassapput:

	01.01.2026 Kr.-it	01.01.2027 Kr.-it	01. 01.2028 Kr.-it
Ilinniarsimangitsut	127,02	131,92	136,82
Ilinniarsimangitsut, 18-it inorlugit ukiullit	88,82	92,02	95,22
Ilinniarsimasut	144,54	150,44	156,34

Ilinniartut:	01.01.2026 Kr.-it	01.01.2027 Kr.-it	01. 01.2028 Kr.-it
<ul style="list-style-type: none">• Sanaartornermi sulisartut• Elektrikerit VVS-montørillu			
Ukioq ilinniartuuffiusoq 1	62,79	65,19	67,59
Ukioq ilinniartuuffiusoq 2	73,78	76,18	78,58

Ilinniartut:			
<ul style="list-style-type: none"> Sanaartornermi sulisartut Elektrikerit VVS-montørillu 	01.01.2026	01.01.2027	01. 01.2028
	Kr.-it	Kr.-it	Kr.-it
Ukioq ilinniartuuffiusoq 3	87,10	89,50	91,90
Ukioq ilinniartuuffiusoq 4	91,14	93,54	95,94
Ukioq ilinniartuuffiusoq 5	95,63	98,03	100,43

Ilinniartut:			
<ul style="list-style-type: none"> Inuussutissalerineq Kantineassistentit 	01.01.2026	01.01.2027	01. 01.2028
	Kr.-it	Kr.-it	Kr.-it
Ukioq ilinniartuuffiusoq 1	62,79	65,19	67,59
Ukioq ilinniartuuffiusoq 2	76,45	78,85	81,25
Ukioq ilinniartuuffiusoq 3	93,20	95,60	98,00
Ukioq ilinniartuuffiusoq 4	95,72	98,12	100,52
Ukioq ilinniartuuffiusoq 5	99,87	102,27	104,67

Ilinniartut:			
<ul style="list-style-type: none"> Maskiinalerineq Maskinarbejder Klejnsmid 	01.01.2026	01.01.2027	01. 01.2028
	Kr.-it	Kr.-it	Kr.-it
Ukioq ilinniartuuffiusoq 1	62,79	65,19	67,59
Ukioq ilinniartuuffiusoq 2	76,36	78,76	81,16
Ukioq ilinniartuuffiusoq 3	86,55	88,95	91,35
Ukioq ilinniartuuffiusoq 4	89,32	91,72	94,12
Ukioq ilinniartuuffiusoq 5	93,48	95,88	98,28

Ilinniartut:	01.01.2026	01.01.2027	01. 01.2028
<ul style="list-style-type: none"> • Umiarsuarni montøri • Quersualerisoq 	Kr.-it	Kr.-it	Kr.-it
Ukioq ilinniartuuffiusoq 1	62,79	65,19	67,59
Ukioq ilinniartuuffiusoq 2	76,36	78,76	81,16
Ukioq ilinniartuuffiusoq 3	86,04	88,44	90,84
Ukioq ilinniartuuffiusoq 4	89,85	92,25	94,65
Ukioq ilinniartuuffiusoq 5	93,48	95,88	98,28

Inersimasut ilinniartuusut:		01.01.2026	01.01.2027	01. 01.2028
		Kr.-it	Kr.-it	Kr.-it
Trin	Ukiut ilinniartuuffiit			
1	Ukiut 1 - 2	127,02	131,92	136,82
2	Ukiut 3 - 5	128,24	133,14	138,04

§ 6 - Ukiunut suliffigisanut tapeq

Akunermusialinnut akissarsianut bonusimillu akissarsianut ukiunut suliffigisanut tapit tassaapput:

	Nal. Akunneranut
Ukiut marluk atorfeqareernermi	Kr. 4,00
Ukiut katillugit tallimat atorfeqareernermi	Kr. 7,00
Ukiut katillugit arfineq-pingasut atorfeqareernermi	Kr. 10,00
Ukiut katillugit aqqaneq-marluk atorfeqareernermi	Kr. 12,00
Ukiut katillugit 15-it atorfeqareernermi	Kr. 15,00

Imm. 2. Ukiunut suliffigisanut tapeq Royal Greenland A/S-imi suliffeqarsimaneq tunngavigalugu tunniunneqassaaq.

Imm. 3. Royal Greenland A/S-imi suliffeqaannarnissaq piumasaqaatigalugu ukiunut suliffigisanut sulinggifeqarneq, napparsimaneq, erninermut meeravissartaarnermullu atatillugu sulinggifeqarneq kiisalu pisortani suliassaqartitaaneq pissutigalugit sulingginneq ilaatinneqassapput.

Imm. 4. Ilinniarsimasunut ukiut suliffigisat naatsorsorneqartarpoq, ilinniakkamik suliaqarluni piffissaq suliffigisimasaa tunngavigalugu. Ukiunut suliffinnut akissaateqartinneqarneq ilinniarnep aalartinneranit naatsorsorneqartarpoq.

§ 7 - Akissarsiat ingerlaannarnerat

§1. imm. 1 naapertorlugu sulisartoq atorfeqarnermi toqussappat aapparisamut meeqqanulluunniit 18-it ataallugit ukiulinnut sulisartup pilersuisussaaffigisaannut aningaasat tulliuuttut tunniunneqassapput:

Royal Greenland A/S-imi ataannartumik suliffeqarnermi:

Ukioq 1:

- Sapaatit akunnerini marlunni tunngaviusumik akissarsiat.

Ukiut 2:

- Sapaatit akunnerini pingasuni tunngaviusumik akissarsiat.

Ukiuni tallimani sivilisunerumilluunniit:

- Sapaatit akunnerini sisamani tunngaviusumik akissarsiat.

§ 8 - Qaangiuttoorneq qaangiuttoornermullu taarsiullugu sulinggifeqarneq

Qaangiuttoorneq sapinngisamik pinngitsoorniarneqartassaaq. Suliffigisami peqquneqarluni nakkutigisamillu nalinginnaasumik piffissaq suliffigisaq sinnerlugu sulinermi, akunnermut akissarsiamut

qaangiuttoornermut tapeqartitsisoqarpoq. Tapeq akunnernut tamanut tunngaviusumik akissarsiat 50%-eraa, takuuk § 5. Ilinniartunulli tapeq ilinniarsimanngitsut 18-it sinnerlugit ukiullit tunngaviusumik akissarsiaasa 50%-eraat.

Qaangiuttoornermusiat qaangiuttoornerup (minutsimut) aallartinneranit katersorneqalertarput.

Imm. 2. Nalinginnaasumik piffissaq suliffik ullormut akunnerit arfineq-pingasutut, sapaatilli akunneranut akunnernut 40-nut naatsorsorneqartarpoq.

Imm. 3. Qaangiuttoornissaq ullormi piffissami nalinginnaasumik suliffiup pinnginnerani akunnerit tallimat sioqqullugit nalunaarutigineqassaaq. Nalunaaruteqartoqanngippat akunnerit qaangiuttoorutigineqartut qaavatigut qaangiuttoornermut akissarsiaqartitsisoqassaaq. Tuninassiorfinni ataasiakkaani aqutsisut sulisut sinnissaat suleqatigalugit tunisassiorfiup aqutsisuinit piffissami aggersumi suliffissatut naatsorsuutigineqartuni atuuttussanik skemanik sulinissamut pilersarusiussapput. Sulinissamut pilersaarutitik allannguisoqartillugu ullormi allannguinermi sulinissamut piffissap nalinginnaasup naannginnerani kingusinnerpaamik akunnerit tallimat sioqqullugit sulisumut nalunaarutigineqassapput.

Imm. 4. Ullormut suliffissap nalinginnaasup avataatigut qaangiuttoornerit sivikinnerpaamik nal. akunneri sisamaappata taakku suliffioreersut saniatigut qanngiuttoornerisiamik nal. akunnerata ataatsip naliganik ilaneqassapput.

Imm. 5. Suliffik qimareerlugu ulluniluunniit sulinngiffiusuni nalinginnaasumik suliffiup avataani sulisartoq suliartoqquneqarpat - minnerpaamik akunnernut sisamanut akilerneqassaaq.

Imm. 6. Sulisartup sulisitsisullu isumaqatigiissuteqarnerisigut qaangiuttoornerit qaangiuttoornermut taarsiullugu sulinngiffeqaataasinnaapput. Qaangiuttoornermut taarsiullugu sulinngiffeqarnermi akunnerit qaangiuttoorutaasut 50%-imik ilallugit qaangiuttoornermut akissarsiasat taarserneqassapput.

§ 9 - Sapaatini nalliuttunilu tapit

Sapaatini nalliuttunilu sulineq akilerneqartassaaq nalunaaquttap-akunneranut akissarsiat tunngavitusut 50 procentinik taperlugit, § 5 naapertorlugu. Akissarsiallit 18-it inorlugit ukiullit nalunaaquttap-akunneranut kr. 12,50-inik tapeqartinneqassapput.

Imm. 2. Qaangiuttoortoqartillugu aammattaaq § 9 imm. 1-imi aalajangersakkat naapertorlugit qaangiuttoornerisiaqartitsisoqartassaaq.

Imm. 3. Ullut uku nalliuttutut isigineqarput:

- a) Ukiortaaq, 1. januaari.
- b) Kunngit pingasut (nal. 12 kingorna), 6. januaari
- c) Sisamangorneq illernartoq,
- d) Tallimangorneq tannaartoq,
- e) Poorskip ullua Poorskillu aappaa,
- f) Nunani tamalaani sulisartut ulluat 1. maaji (ulloq naallugu),
- g) Tussiarfissuaq,
- h) Qilaliarfik,
- i) Pinsep aappaa
- j) Kalaallit Nunaanni inuiattut ullorsiorneq, 21. juuni,
- k) Juulliaaraq, 24. decembari,
- l) Juullip ullua, 25. decembari,
- m) Juullip ulluisa aappaat, 26. decembari,
- n) Ukiutoqaaq, 31. decembari.

§ 10 - Nalliuttuni sapaataangitsuni akissarsiat

§ 9-mi nalliuttutut taaneqartut sapaammi pinngikkaangata taakku sapaataangitsumi nalliuttutut taaneqartarput.

Imm. 2. Nalliuttuni sapaataangitsuni akissarsiat tunniunneqartartut, tassaapput:

	Ulloq tamaat Nalliuttoq Sapaataangitsoq	Ullup affaa Nalliuttoq Sapaataangitsoq
Ilinniarsimangitsoq 18-it inorlugit ukiulik	300,00	150,00
Ilinniarsimangitsoq 18-it sinnerlugit ukiulik	300,00	150,00
Ilinniarsimasut	300,00	150,00

Piumasaqaatit tulliuttut naammassineqarpata:

Isumaqatigiissutaasoq naapertorlugu sulinermit akilerneqarnerup saniatigut nalliuttumi sapaataangitsumi suligaanni akissarsitinneqassaaq.

§ 11 - Piffissani nikingasuni paarlakaallunilu sulisarnernut tapit

Piffissami nal. 17.00-imit 06.00-imut sulineq imaattunik tapisiaqarfiussaaq:

- Paarlaanneq 2 – nal. 17.00-imit 23.00-imut kr. 10
- Paarlaanneq 3 – nal. 23.00-imit 06.00-imut kr. 13

Imm. 2. Piffissani nikingasuni sulisarnernut tapinik aamma paarlakaalluni sulisarnernut tapinik ataatsikkut pisoqarsinnaangilaq.

Imm. 3. Sapaatini sulinermit § 8 imm. 1 naapertorlugu sapaatini nalliuttunilu ulluinnartigoortuni tapit tunniunneqartassapput.

Imm. 4. Qaangiuttoorluni piffissami nikingasumi sulineq aamma paarlakaalluni sulineq § 8 imm. 6 naapertorlugu sulinngiffeqaataassaaq imaluunniit § 8 imm. 1 naapertorlugu qaangiuttoornerisiaqaataassalluni, imm. 1 naapertorlugu tapisiaqarnissamut taarsiullugu.

Imm. 5. Kisianni qaangiuttoorluni parlakaalluni sulineq paarlaannermit 2-mit paarlaannermit 3-mut ataannartoq imm. 1 naapertorlugu parlakaalluni sulinermit tapisiaqaataatigaluni aammattaaq § 9 imm. 6 naapertorlugu sulinngiffeqaataassaaq imaluunniit § 8 imm. 1 naapertorlugu qaangiuttoornerisiaqaataassalluni.

Imm. 6. Paarlaannerni 2-mi aamma 3-mi sulilluni nalunaaquttap-akunneri 40-t angusimagaanni nalunaaquttap-akunnerini 2-ni akissarsiaqarluni sulinngiffeqartoqarsinnaalertassaaq, taakku katersorneqassallutik sulisitsisup sulisullu sulisut sinniisaat aqutigalugu isumaqatigiissuteqarneratigit ulluni ilivitsuni sulinngiffeqaataasinnaangorlugit. Sapaatip-akunnerata ilaani paarlaannerni 2-mi aamma 3-mi sulisimagaanni tamanna sulinermit naapertuuttumik sulinngiffeqarnissamik katersifiullunilu sipaarfiusinnaavoq. Sulinngiffeqarnissat sipaakkat ukiumoortumik aningaasanngorlugit tunniunneqarsinnaapput juullilernerani akissarsiffimmi kingullermi.

§ 12 - Sillimanermut tapit

Sulisut piffissap suliffiusup nalinginnaasup avataatigit angerlarsimallutik sillimasuutinneqartut sillimanerminni nalunaaquttap-akunneranut kr. 40,00-nik tapisiaqartinneqassapput.

Angerlarsimalluni sillimanermi suliartoqquneqaraanni qaangiuttoornerisiaqartitsisoqassaaq nalunaaquttap-akunnerinut suliffigisanut. Tamatuma saniatigit § 8, imm. 3 malillugu tunniussisoqarsinnaangilaq.

Telefonikkut sianermermut immikkut akissarsisitsisoqassangilaq.

§ 13 - Pikkorissutsimut tapit il. il.

Akissarsiat ataatsimut katinnera 2 %-iat pikkorissutsimut tapinut, sulisut amerlinerannut, sulisut amerlinissaannut atatillugu ilinniartitsisinnaanernut allanullu immikkoortinneqassapput.

§ 14 - Soraarnerussutisiassanut akiliutissat taakkualu akilerneqartarnerat

Sulisartup soraarnerussutisiassaanut ilassutitut sulisitsisoq Soraarnerussutisiaqalernissamut Aningaasaateqarfimmut SISA-mut akiliissaaq:

Soraarnerussutisiat agguataarnerat ullormit uanngaanniit 1. januar 2026-miit aallartittumik, akisarsiat tamakkiisunit (isertitat tamakkerlugit) 11,00 %-iat:

Sulisitsisup akiliutaa:	7,30 %-iat,
<u>Sulisup akiliutaa:</u>	<u>3,70 %-iat</u>
Katillugit	11,00 %-iat

Imm. 2. Soraarnerussutisiassanut akiliutit sulisartunut, ilinniartut inersimasullu ilinniartut 18-inik ukioqalersimasut ilanngullugit, taamaallaat tunniunneqassapput, kiisalu sulisartup 18-inik ukioqalerneranit akissarineqarsimasunut taamaallaat.

§ 15 - Qaammarsaanermut ilinniartitaanermullu Aningaasaateqarfik,

Sulinngiffeqarnermi Angalanermut Aningaasaateqarfik

kiisalu Isumaginninnermut Aningaasaateqarfik

Royal Greenland A/S Sulisartut Qaammarsaanermut Ilinniartitaanermullu Aningaasaateqarfiannut 1. septembari 1971-imeersumut sulisut akornanni akunnernut suliffiusunut tamanut akunnermut kr. 0,40-nik tapiisassaaq.

Imm. 2. Sulinngiffeqarnermi angalanermut Aningaasaateqarfik:

- Royal Greenland A/S Sulinngiffeqarnermut Aningaasaateqarfimmut akunnernut suliffiusunut tamanut akunnermut kr. 0,85-inik tapiisassaaq.

Imm. 3. Isumaginninnermut Aningaasateqarfik:

- Royal Greenland A/S Isumaginninnermut Aningaasateqarfimmut akunnernut suliffiusunut tamanut akunnermut kr. 0,45-inik tapiisassaaq.

Imm. 4. Akiliineq aningaaserivimmut SIK-mit toqqarneqartumut pissaaq ulluni 14-inik kingumoor-tumik.

§ 16 - Napparsimaneq

Sulisarteq napparsimanini pissutigalugu sulisinnaajunnaarpat tamanna unioqqutitsinerunngitsumik sulinngitsoornertut isigineqartassaaq, taamatulli isigineqartassanngilaq pineqarteq sulinermi nal-aani piaaraluni imaluunniit mianersuaalliorujussuarluni nappaatissarsisimappat imaluunniit atorfi-nitsinneqarmermini unneqqaserlunnermigut nappaateqarnerminik nipangiussisimappat.

Imm. 2. Napparsimaneq unioqqutitsinerunngitsumik sulinngitsoornerussappat piffissap suliffiusup aallartinnginnerani nalunaarutigineqassaaq.

Imm. 3. Napparsimanerup nakorsamit uppersarsarneqarnissaa sulisitsisumit piumasarineqarsinnaa-voq. Nakorsap uppersarsaaneranut aningaasartuut sulisitsisumit akilerneqassaaq.

Imm. 4. Akunnermusialinnut, tamakkiisumik atorfeqartinneqarlutik sulisartunut, SIK-mut ilaasor-taasunut napparsimanermit ullormusiaqartitsisoqassaaq, pineqarteq napparsimalinnginnermi sivi-kinnerpaamik ulluni atasuinnarni 30-ni atorfeqarsimappat.

Imm. 5. Napparsimaneq pissutigalugu napparsimanermit ullormusiaqarnissamik noqqaassuteqar-neq napparsimalermit kingusinnerpaamik ullut qulingiluat qaangiunneranni Royal Greenlandimi akissarsialerivimmut nassiunneqassaaq e-mailimut: timegl@royalgreenland.com.

Imm. 6. Napparsimanermit ullormusiat ullormi sulisinnaannginnermit siullermit tunniunneqassaaq. Napparsimanermit ullormusiat tunniunneqarsinnaapput sapaatip akunneranut sulinissamut ullut skemamut allanneqarsimasuni, taamaattorli nalliuttuni sapaataanngitsuni pinnagu. Napparsimaner-mut ullormusiat qaammatini aqqaneq-marlunni tulleriinni sivisunerpaamik sapaatit akunnerini 26-

ini tunniunneqarsinnaapput. Taamaattorli sulisinnaannginneq sulinermi ajutoornermit pissuteqarpat napparsimanermut ullormusiat ilassutitut sapaatit akunnerini 13-ini tunniunneqarsinnaapput.

Imm. 7. Sulisartup ullormi suleqqilersinnaanerani napparsimanermut ullormusiat tunniunneqartarnerat taamaatinneqassapput, sulisartuq ingerlaannaq aamma sulilingikkaluarpalluunniit, aamma akissarsialik peqqissisutut nalunaaruteqanngikkaluarpalluunniit. Taamaattorli napparsimanermut ullormusiat sulisartuq sulileqqinnissamut piareeraluartuq attatiinnarneqassapput sulisartup suliffigisaata sumiiffingngisaani katsorsarneqarsimappat, pineqartorlu suliffigisaminut angalaniarnikkut periarfissaq sukkanerpaaq atorlugu uternissaata tungaanut.

Imm. 8. Napparsimanermi soraarsinneqaraanni suliunnaarnissap tungaanut napparsimanermut ullormusiaqarsinnaatitaaneq attatiinnarneqassaaq.

Imm. 9. Napparsimanermut ullormusiat 130 kr.-iupput, SIK-mullu ilaasortatut aningaasarsinermit atatillugu akissarsianut ilanngullugit akilerneqassallutik.

Imm. 10. Suliumajunnaarnermi sulisitsiumajunnaarnermilu napparsimanermut ullormusiat akilerneqassanngillat. Napparsimanermut ullormusiat ulluni sulingiffeqarnerni tunniunneqassanngillat, taamaalinerani sulingiffeqarnerisiutit attanneqassammata. Napparsimanermut ullormusiat akilerneqarsimasut sulingiffeqarnerisiuteqartitsisinnaanngillat.

Imm. 11. Napparsimanermut ullormusiat akilerneqarnerannut atatillugu eqqunngitsumik nalunaaruteqarnermi napparsimanermi ullormusiaqarsinnaatitaanermik annaasaqarnermik kingune-qarsinnaavoq napparsimanermullu ullormusiassarsiarisimasat Royal Greenland A/S-imut utertinneqassallutik.

Imm. 12. Napparsimasuq sulinermi pisassanik annaasaqarnermut allatigut taarsiiffigineqarpat, imaluunniit ullormusiat tunniunneqarsimasut eqqunngitsumik attanneqarsimappata, ullormusiat tunniunneqarsimasut Royal Greenlandimut utertinneqassapput.

Imm. 13. Ullormusiat tunniunneqarnerannut atatillugu eqqunngitsumik nalunaaruteqarneq politii-
nut nalunaarutigineqarnermik nassataqassaaq. Eqqunngitsumik nalunaaruteqarnermi sulisartup
ikiorneqarsinnaatitaanermi annaaneramik aamma nassataqassaaq.

Imm. 14. Aaqqiissutit atornerlunneqarpata sulisartunut ataasiakkaanut atorunnaarsinneqarsinnaapput.

Imm. 15. Nakorsiarnerit, kigutilerisuliarnerit meeqqallu nakorsiunneri maannamit akissarsiaqarluni ingerlanneqarsinnaassapput. Sulisup nakorsiarsimanermut kigutilerisuliarsimanermulluunniit uppernarsaanissaa sulisitsisup piumasaqaatigisinnaavaa. Taamaattoqartillugu piumasaqaataavoq:

1. Illoqarfigisami/nunaqarfigisami nakorsiarnermut/kigutilerisuliarnermut atatillugu akissarsianut aningaasartuutit aatsaat matussuserneqassapput, imaappoq nakorsiarneq/ kigutilerisuliarneq illoqarfimmi/nunaqarfimmi allamiippat akiliisoqassanngilaq.
2. Nakorsiarnermut/kigutilerisuliarnermut atatillugu akissarsianut aningaasartuutitut amerlanerpaamik akunnerit sisamat matussuserneqassapput.

Sulisumut ataatsimut qaammatini arfinilikkaartumik nakorsiarnerit/kigutilerisuliarnerit amerlanerpaamik pingasut matussuserneqassapput.

§ 17 - Meeqqap napparsimanerani sulinngiffeqarneq

Sulisartut aningaasarsiamikkut annaasaqaratik meeqqap nukangasup napparsimanerani ullormi siullermi tamakkiisumik ilaannakortumilluunniit sulinngiffeqarsinnaatitaapput, paarsisussarsinisallu tungaanut. Tamatuma saniatigut sulisartoq ullut 14-it tikillugit akissarsiaminik annaasaqarani meeqqap 0-init 15-inut ukiullip napparsimmavimmut illoqarfigisamilu avataanut innartinneqarneranut atatillugu sulinngiffeqarsinnaavoq kiisalu napparsimmavimmut napparsimmavimmiillu peqqinnissaqarfimmit akilerneqartumik meeqqamut angalaqataanermut atatillugu.

Imm. 2. Meeqqap ullormi siullermi napparsimanerani sulinngiffeqarnermut makku piumasaqaataapput:

- a) Ulloq meeqqap napparsimaffia siulliuppat,
- b) meeraq aqqaneq-marlunnik ukioqalersimangippat,
- c) meeqqap pisariaqartitsinerata pisariaqalersippagu,
- d) meeraq angerlarsimaffimmi najugaqarpat.

Imm. 3. Meeqqap napparsimmavimmut innartinneqarneranut tassungalu atatillugu angalaqataa-nermut atatillugu sulinngiffeqarnermi piunasaqaataavoq tamanna sulisitsisumut upper-narsarneqarnissaa. Soorlu aamma piunasaqaataasoq sulisartoq sulinngiffeqannginnermi suliffeqar-fimmi sivikinnerpaamik qaammatini arfinilinni atorfeqarsimanissaa.

Imm. 4. Aaqqiissut atonerlunneqarpat sulisartunut ataasiakkaanut atorunnaarsinneqarsinnaavoq.

Imm. 5. Akissarsiaritinneqartoq tassaavoq sulisartup nalinginnaasumik akunnermut akissarsiaa ullormi tassani nalinginnaasumik akunnerit suliffiusumik amerlisarlugu.

Imm. 6. Imm. 1 naapertorlugu aamma sulinngiffeqartoqarsinnaavoq nakorsap ilitsersuineratigut/up-
pernarsaaneratigut meeraq angerlarsimaffimmi innartinneqarpat.

§ 18 - Sulinngiffeqarnerit immikkut ittut allat

Sulisartut SIK-p siulersuisuunerinut ilaasortanut SIK-p siulersuisuunerisa ataatsimiinnerinut ukiumut sisamat tikillugit akissarsiat piginnarlugit sulinngiffeqarsinnaatitaapput.

Imm. 2. Ilaquttat qanigisat perulullutik napparsimanerannut, toqunerannut ilisaanerannulluunniit atatillugu sulisartoq akissarsiaqaannarluni ullut arfineq-pingasut tikillugit sulinngiffeqarsinnaati-taavoq. Sulinngiffeqarnissamut noqqaaneq allakkatigut sulisitsisumut tunniunneqassaaq.

Imm. 3. Ilaquttat qanigisat tassaapput: angajoqqaat, katissimallugu aappaq taamaattutullu naatsor-suussaq, qitornat qatanngutillu, kisianni katissimallugu aappap taamaattutullu naatsorsuussat ilaqtai pinnagit.

Imm. 4. Sulisup ilaqutaasa qanigisat ilaat perululluni napparsimappat toquppalluunniit imm. 3 naapertorlugu sulisoq sivikinnerpaamik qaammatinik quligiluanik (9) ataannartumik atorfeqareeruni akiliunneqarluni ilaqqat qanigisap perululluni napparsimasup toqusulluunniit Kalaallit Nunaanni Danmarkimiluunniit najugaanut akiliunneqarluni angalasinnaatitaavoq, sulisunulli ukiut suliffigisimasat aallaavigalugit ukioq ataaseq inorlugu atorfeqartunut Isumaqaqaginninnermut Aningaasateqarfimmut aningaasartuutitut akilliunneqarnissamik qinnuteqarsinnaapput. Sulinggiffeqarnissamut noqqaaneq allakkatigut sulisitsisumut tunniunneqassaaq.

Imm. 5. Sulinggiffeqarnermi akissarsiat imm. 1 aamma 2 naapertorlugit naatsorsorneqassapput, pineqartup nalinginnaasumik akunnerit suliffigisartagai nalinginnaasumillu akunnermut akissarsiai tunngavigalugit.

Imm. 6. Sulisartunit SIK-p immikkoortortaqaarfiisa siulersuisuut imaluunniit SIK-p siulersuisuut neritut ilaasortat kattuffimmi suliaqarnissamut kissaataat naammassineqassapput. Sulinggiffeqarneq taamaattoq ukioq ataasikkaarlugu tunniunneqarsinnaavoq.

Imm. 7. Nutsernermi ajunngitsorsiassaq: Ukiut marlut sulereernermi nutsernermut atatillugu ulloq ataaseq annerpaamik ukiumut ataasiarluni akissarsiat piginnarlugit sulinggiffeqartitsisoqassaaq.

Imm. 8. Suliffiup avataani kisiannili suliffiup iluani SIK-p Peqatigiiffimmi siulersuisut ataatsimiinnerat Sulinermit Inuussutissarsiuteqartut Kattuffiata Peqatigiiffianiit aaqqissuunneqarsimappat tamanna sulisut sinniisaannut akissarsiatigut annaasaqaataanani pisinnaatitaaffiussaaq taamatullu pisoqasatillugu sapinngisamik siusinaartumik Royal Greenland A/S-imut tamanna isumaqatigiissutigineqartassaaq.

§ 19 - Pisortani suliaqartitaaneq

Sulisartut pisariaqartitsineq naapertorlugu suliaqartitatut sulinissaminut akissarsiaqaratik sulinggiffeqarsinnaatitaapput, ukuningga:

- a) Inatsisartuni ilaasortatut,
- b) kommunalbestyrelsemut nunaqarfimmiluunniit aqutsisunut ilaasortatut,
- c) ilagiit sinniisaannut ilaasortatut,
- d) atuarfiit siullersuisuinut sunngiffimmiluunniit ataatsimiititalianut ilaasortatut,
- e) eqqartuussisutut,
- f) eqqartuusseqataasutut,
- g) ilelrsuisutut,
- h) kommunefogeditut kiisalu
- i) pisortani atuuffiit allat, pisortani oqartussaasunit suliakkiutigineqartut.

SIK-p immikkoortortaqaarfiisa siulersuisunut ilaasortat imaluunniit SIK-mi siulersuisuunernut ilaasortat

Imm. 2. Imm. 1 naapertorlugu sulinnginnerit piffissaq qaangiuttoorfiulersussaq sioqqullugu sulianik taamaattumik ingerlatsinerit eqqarsaatigalugit suliffimmik sumiginnaanertut naatsorsuunneqassanngillat. Sulinngiffeqarnissat sapinngisamik naammattumik piffissaqartitsilluni sulisitsisumut nalunaarutigineqartassapput.

§ 20 - Sulinermut atatillugu angalanerni aningaasartuuteqarnerunerit

Sulisartut najugaqarfiginngisamut suliarortitaagallartut Kalaallit Nunaanni atorfillit pillugit inatsit naapertorlugu Royal Greenland A/S-imit ullormusiaqartinneqassapput. SIK akuersitinnagu akit ap-partinneqarsinnaanngillat.

Imm. 2. Sulinermut atatillugu angalanerni pikkorissariarnermilu piffissaq angalaffiusoq piffissatut suliffiusutut naatsorsorneqarpoq. Taamaattorli angalanerni piffissap suliffiusup taama naatsorsomeqarnerata kingunerisaanik ullormi pineqartumi piffissaq suliffiusussaq eqqortinneqanngitsutut isigineqarsinnaanngilaq. Taamaattorli nal. 22.00-ip nal. 08.00-llu akornanni piffissaq angalaffik piffissatut suliffittut naatsorsuunneqassanngilaq, sulisartoq siniffissaqartinneqarpat.

§ 21 - Sullisit, isumannaallisaanermilu atisat atortullu

Suliaqarfinni sulissaqarfinnilu assigiinngitsuni *sullisit*, isumannaallisaanermut *atisat* atortullu Sulivinnik Nakkutilliisunit aalajangerneqartut sulisitsisup sulisartumut akeqanngitsumik atugassanngortissavai.

Imm. 2. Inuussutissanik tunisassiornermi tunisassiornermut il. il. atatillugu atisat Fødevareministeriamit piumasarineqartut sulisitsisup sulisartumut akeqanngitsumik atugassanngortissavai.

Imm. 3. Sulisarteq isumannaallisaanermut atisat atortullu tunniunneqartut atornissaannut pissaaffeqarpoq. Atorfimmit soraarnermut atatillugu atortut tunniunneqartut utertinneqassapput. Taamaanngippat sulisartup pissaanit ilanngaaticineqassapput.

§ 22 - Sulinermik unitsitsinerit

Sulisarteq, suliffeqarfimmi sivikinnerpaamik qaammat ataaseq sulisimasoq, pissutsillu avataaneersut pissutigalugit pilersaarutaasumik sulisinnaanngitsoq, tunisassiassanillu amigaateqarneq pissutigalugu suliakkinneqarsinnaanngitsoq, imaluunniit maskinat truckilluunniit ajoquteqalersimpata ullormi tassani pineqartumi nalinginnaasumik sulinermut akissarsiaqartinneqassaaq, angerlartitaanera piffissap suliffiusup pisarnertut aallartinnerani pigaluarpalluunniit.

Imm. 2. Imm. 1-imi aalajangersagaq apeqqutaatinnagu sulinermik unitsitsineri ilinniartut akilerneqarsinnaatitaajuaannarput.

Imm. 3. Sulisarteq ullormut nalinginnaasumik sulinerup aallartinnerani suliertorsimasoq, tunisassiassaaleqinerli pissutigalugu angerlartinneqartoq sulinissamut pilersaarut naapertorlugu akilerneqassaaq.

§ 23 - Assuarlersinnaatitaaneq

SIK illuatungeriit akornanni tunngaviusumik isumaqatigiissut naapertorlugu assuarlersinnaatitaavoq isumaqaruni sulisartut ulluinnarni piffissap suliffiusussap inissi-simanissaa arfininngornermilu sulinngiffeqartarnissamik aqqissuussinerit pillugit kissaatigisimasaat suliffeqarfimmut iluaqutaasussanut akornutaanngitsumik pinissaannik naammattumik tunngavilersorneqarsimanngitsut.

Imm. 2. Nalornissutigineqalerpat sulisartuq tapisianik §§ 3-mi, 5-imi, 7-imi, 20-imi taaneqartunik tapisiaqartinneqarsinnaanersoq, sulisullu sinniisuat aqqutigalugu tamanna pillugu saaffiginnissutit naammaginatsumik angusaqarfiunngippata, suliassaq Isumaqatigiisummi tunngaviusumi malittarisassat naapertorlugit suliarineqassaaq.

§ 24 - Sulinngiffeqarneq sulinngiffeqarnerisutillu

Sulisartut sulinngiffeqartarneq pillugu Inatsisartut inatsisaat atuuttoq naapertorlugu ukiumut ataasiarlutik sulinngiffeqarsinnaatitaapput. Inatsisartut inatsisaat nr. 10, 12. november 2001-imeersumi § 12 naapertorlugu immikkut malittarisassat ataaniittut isumaqatigiissutigineqarput.

Imm. 2. Sulisartuq akissarsiarisimasami 12,5%-iinik sulinngiffeqarnerisutigisinnaasaminik katersissaaq, sulinermut atatillugu angalanermit pissarsiassat minillugit, takuuk isumaqatigiisummi § 20, aamma sulisitsisut soraarnerussutisiassanut akiliutaat isumaqatigiisummi § 14 naapertorlugu.

§ 25 - Naartuneq, ernineq qitornavissiartaarnerlu

Sulisoq akissarsiani pigiinnarlugit naartunermi, ernereernerup kingorna, qitornavissiartaarnermut atatillugu sulinngiffeqarsinnatitaavoq naartunermi, ernereernerup kingorna qitornavissiartaarnermilu Inatsisartut inatsisaat qaqagumulluunniit atuuttoq naapertorlugu.

§ 26 - Isumaqatigiinnginnerit soraarsitsinerillu assigiinngitsut

Illuatungeriit akornanni tunngaviusumik isumaqatigiisummi malittarisassat naapertorlugit isumaqatigiinngissutit isumagineqassapput.

Imm. 2. Inunnik ataasiakkaanik soraarsitsisinaanermi assigiinngitsunik tunngavilersortoqassanngilaq. Tamanna pillugu isumaqatigiinngissutit tunngaviusumik isumaqatigiisummi qulaani taaneqartumi malittarisassat naapertorlugit isumagineqassapput.

§ 27 - Sulisut sinniisaat pillugit malittarisassat

Illuatungeriit akornanni sulisut sinniisaat pillugit isumaqatigiisut innersuussutigineqarpoq.

§ 28 - Soraarniuteqarneq / soraarsitsineq

Qaammammi siullermi atorfeqarnermi sulisitsisoq sulisartorluunniit atorfeqarnermik unitsitsinermut atatillugu nalunaaruteqarnissamut pisussaaffeqanngilaq. Tamatuma kingorna uku atuupput:

Ilinniarsimanngitsunut Ukioq atorfiniffik	Royal Greenland A/S-imit	Sulisartumit
Ukiup siulliup sinnerani atorfeqarnermi	Sapaatit akunneri 2	Ullut 3
Ukiuni atorfeqarnerit Aappaanni, pingajuanni sisamaannilu	Sapaatit akunneri 3	Sapaatip akunnera 1
Tallimaani arfernanilu atorfeqarnerit	Sapaatit akunneri 4	Sapaatip akunnera 1
Arfineq aappaanni arfineq pingajuannilu atorfeqarnerit	Sapaatit akunneri 5	Sapaatit akunneri 2
Qulingiluaanni ukiunilu atorfeqarfiusuni tullerni	Sapaatit akunneri 6	Sapaatit akunneri 2

Ilinniarsimasunut Ukioq atorfiniffik	Royal Greenland A/S-imit	Sulisartumit
Ukiup siulliup sinnerani atorfeqarnermi	Sapaatit akunneri 2	Ullut 3
Ukiuni atorfeqarnerit aappaanni, pingajuanni sisamaannilu	Sapaatit akunneri 4	Sapaatit akunneri 2
Ukiuni atorfeqarnerit Tallimaanni arfernannilu	Sapaatit akunneri 6	Sapaatit akunneri 3
Ukiuni atorfeqarnerit arfineq aappaanni arfineq pingajuannilu	Sapaatit akunneri 8	Sapaatit akunneri 4
Qulingiluaanni ukiunilu atorfeqarfiusuni tullerni	Sapaatit akunneri 10	Sapaatit akunneri 5

Imm. 2. Imm. 1-imi suliunnaarnissamat piffissaliunneqartut sulisartunut Royal Greenland A/S-imi piffisaliunneqartuni ataannartumik atorfeqarsimasunut atuupput. Pissutsit tulliuttut atorfeqarnermik kipisinertut isigineqanngillat:

- a) napparsimaneq, nalinginnaasumik sulinerup aallartinnginnerani suliffeqarfimmut nalunaarutigineqartoq,
- b) naartunermi, erninermi meeravissartaarnermilu sulinngiffeqartarneq pillugit Inatsisartut peqqussutaat naapertorlugu sulinngiffeqarneq, imaluunniit
- c) sulisitsisup atugai pissutigalugit sulinermik unitsitsineq, sulisartoq neqeroorfigineqaruni sulinermik aallartitseqqippat.
- d) Sulisitsisup sulisartullu isumaqatigiissuteqarnerisigut suliffeqarfimmi immikkoortortamit allamit allamut nuunneqarneq

Imm. 3. Sulisarteq atorfeqarnermi atugassarititaasunik naammassinnissimannginnera uppernarsarneqarsinnaappat sulisitsisup soraarsitsinissamut piffissarititai atorunnaassapput. Naammassininnginnertut isigineqartut ilaagaat, eqqiluisaarnermut Royal Greenland A/S-ip malittarisassaasa sulisunit malinneqannginnerat.

Imm. 4. Suliunnaarnissamut piffissaliunneqartut aamma atorunnaassapput suliffigisami maskiinat uninnerisa, atortut amigaataanerisa assigisaannilluunniit ingerlatsinermik tamakkiisumik ilaannakortumilluunniit unitsitsinerit malittarisannik suliassaaruppat.

Imm. 5. Sulisarteq sulisitsisorlu allakkatigut suliunnaarnissamut nalunaaruteqassaaq.

§ 29 - Piffissaq isumaqatigiissutip atuuffia

Isumaqatigiissut una atuutilerpoq ulloq januaarip 1-ani 2026. Isumaqatigiissut illuatungeriinnit qaammatinik pingasunik siumoortumik nalunaaruteqarluni decembarip 31-iani atorunnaarsinnekarsinnaavoq, siusinnerpaamilli septembarip 30-iani 2028-imi.

Imm. 2. Isumaqatigiissut atorunnaarpat piffissap nutaamik isumaqatigiissuteqarnissap tungaanut akissarsiat januaarip 1-ani 2028-mi atuuttut malillugit akissarsiaqartitsisoqassaaq, nutaamik isumaqatigiissuteqarnissap tungaanut.

Imm. 3. Royal Greenland A/S-ip isumaqatigiissut una aqutigalugu sulisuni SIK-mut ilaasortanngornissamut kajumissaassallugit piareersimaffigaa.

Nuuk, ulloq decembarip 4-ani 2025

Sulinermik Inuussutissarsiuteqartut Kattuffiat

Royal Greenland A/S

Jess G. Berthelsen

Kattuffiup siulittaasua

Atsiornera



Søren Olsen Damgaard

Sulisoqarnermut tullersorti

atsiornera

Ilitsersuut

§ 2 - Suliffiup sivisussusaa

Ulloq/piffissaq suliffiusoq qaqugukkut aallartittarpa?

Sulineq aallartissaaq sullisilersoreerluni sulinissamut piareeraanni, imaanngitsoq iseraanni aatsaallu sullisilersortussaalluni il.il.

Suliartornermi:

Suliffiusoq suli aallartinngitsoq takkutiaaraanni, sioqutsillunilu naqitsigaanni, akunnerit suliffiusut piffissami takkuffissatut aalajangerneqarsimasumi aatsaat atuutilissapput.

Inortuisoqartillugu:

Inortuineq minutsit 5-it tikillugit sivisussueqarpat, aningaasarsianiit ilanngaatigineqassanngilaq.

Inortuineq minutsit 5-t sinnerlugit sivisussueqarpat, minutsit 15-inik sivisussusilimmik aningaasarsianiit ilanngaatigineqassaaq.

Inortuineq minutsit 15-it sinnerlugit sivisussueqarpat, minutsit 30-inik sivisussusilimmik aningaasarsianiit ilanngaatigineqassaaq.

Qiteqqunnerni:

Qiteqqunnerni tamani anillannermi / isernermilu tamatigut naqittarnissaq pisassaaq.

Qiteqqunnerni naqinnissaq puigoraanni ima periuseqartoqassaaq:

- Siullermeernermi minutsit 20-inik sivisussusilimmik aningaasarsianiit ilanngaatigineqassaaq.
- Ullormi ataatsimi aappassaaneeraanni minutsit 30-inik sivisussusilimmik aningaasarsianiit ilanngaatigineqassaaq.

Soraarnermi:

Soraarfimmi naqinnissaq puigoraanni, aammalu naqinnani soraajaarsimagaanni, pisumi aqutsisu-
usoq sulisoq sinnerlugu naqitsissaaq.

§ 3 - Unikkallarnerit

Assersuut 1:

Tunisassiorfik ullormut akunnerni arfineq-pingasuni tunisassiorpat, qaavatigullu katillugit akunneq
ataaseq unikkallartoqarpat.

- Sulisup nammineerluni akunnerup affaanik unikkallarnini akilissavaa ingerlatseqatigiiffiullu
akunnerup affaanik unikkallarneq akilerlugu. Sulisoq taamaalilluni akunnerni katillugit arfi-
neq-pingasuni affaanilu sulisimasutut akissarsissaaq.

Assersuut 2:

Tunisassiorfik ullormut akunnerni arfineq-pingasuni tunisassiorpat, qaavatigullu katillugit minutsini
45-ni unikkallartoqarpat.

- Sulisoq nammineerluni minutsini 15-ini unikkallarnini akilissavaa ingerlatseqatigiiffiullu aku-
nnerup affaanik unikkallarneq akilerlugu. Sulisoq taamaalilluni akunnerni katillugit arfineq-
pingasuni affaanilu sulisimasutut akissarsissaaq.

Assersuut 3:

Tunisassiorfik ullormut akunnerni arfineq-pingasuni tunisassiorpat, qaavatigullu katillugit akunne-
rup affaanik unikkallartoqarpat.

- Ingerlatseeqatigiiffiup akunnerup affaani unikkallarneq akilissavaa. Sulisoq taamaalilluni
akunnerni katillugit arfineq-pingasuni affaanilu sulisimasutut akissarsissaaq.

Assersuut 4:

Tunisassiorfik ullormut akunnerni arfineq-marlunni affaanilu tunisassiorpat, qaavatiqullu katillugit akunneq ataaseq unikkallartoqarpat.

Sulisup nammineerluni akunnerup affaanik unikkallarnini akilissavaa ingerlatseqatigiiffiullu akunnerup affaanik unikkallarneq akilerlugu. Sulisoq taamaalilluni akunnerni katillugit arfineq-pingasuni sulisimasutut akissarsissaaq.

§ 7 - Ukiut suliffinnut tapeq.

Piffissani angerlartinneqarnerni imaluunniit suliffeqarfiup matoqqaffiini sulisartup ukiut suliffii taamaattoq ingerlaannassapput.

§ 8 - Qaangiuttoorneq qaangiuttoorermullu taarsiullugu sulingiffeqarneq

Isumaqatigiisummi § 8, imm. 4.

Ullormut suliffissap nalinginnaasup avataatigut qaangiuttoornerit sivikinnerpaamik nal. akunneri sisamaappata taakku suliffioreersut saniatigut qanngiuttoornerisiamik nal. akunnerata ataatsip naliganik ilaneqassapput.

Isumaqatigiisummi - § 3 – Unikkallarnerit, ullormut:

- Nal. akunnerata affaa: 2 x 15 minuttit, unikkallarnerit RG A/S-imiit akilerneqartut.
- Nal. akunnerata affaa: Ullup qeqqasiorneq nal. akunnerata affaa, unikkallartoqassatillugu nammineq akilerlugu.

Qaqagukkut § 8, stk. 4, nal. akunnerata ataatsip naliganik ilaneqartassappat?

Assersuut 1:

Piffissaq suliffik Nal. 07:00-miit - nal. 15:00-mut

- Ullup qeqqasiornermi unikkallartoqartinnagu = nal. akunnerit 8-it sulineq.

Taassumap saniatigut qaangiuttoortoqartillugu, ima nal. 15:00-miit – nal. 19:00-mut:

Piffissaq suliffik: Nal. 15:00-miit - 19:00-mut

- Qaangiuttoornerit, nal. akunnerit 4-it anguneqarnerini
- qaavatigut + nal. akunnermik ataatsimik ilasisoqassaaq § 8, stk. 4 malillugu.

Assersuut 2:

Piffissaq suliffik: Nal. 07:00-miit – nal. 15:30-mut

- Ullup qeqqasiornermi unikkallartoqartillugu, nammineq akilerlugu = nal. akunnerit 8-it sulineq.

Taassumap saniatigut qaangiuttoortoqartillugu, ima nal. 15:30-miit – nal. 19:30-mut:

- Qaangiuttoornerit, nal. akunnerit 4-it anguneqarnerini
qaavatigut + nal. akunnermik ataatsimik ilasisoqassaaq § 8, stk. 4 malillugu.

§ 16 - Napparsimanermusiat.

Napparsimalluni sulinnginneq akunnernut suliffigisimasanut Royal Greenland A/S-ip nalunaarsuiffianut nalunaarsorneqassapput, taakkulu akissarsialeriffik akkutigalugu akilerneqassallutik.

§ 17 - Meeqqap napparsimanerani sulinngiffeqarneq.

Meeqqap sapaatip akunnerata ingerlanerani ullut napparsimaneranut assersuut:

Meeraq napparsimalerpoq: ataasinngorneq, meeqqap ulloq napparsimaffia siullertut tunniunneqarpoq peqqissivoq: marlunngorneq, meeraq meeraaqqeriviliarpoq / meeqqeriviliarpoq.

Napparsimaqqilerpoq: sisamanngorneq, meeqqap ulloq napparsimaffia siullertut tunniunneqarpoq.

Meeqqat arlariippata marluliaappataluunniit meeqqap ulluni napparsimaneranut assersuut:

Meeraq siulleq napparsimalerpoq: Ataasinngorneq, meeqqap ulloq napparsimaffia siullertut tunniunneqarpoq peqqissivoq: pingasunngorneq.

Meeqqap aappaa napparsimanerpoq pingasunngorneq, meeqqap ulloq napparsimaffia siullertut tunniunneqarpoq.

Meeqqat pingajuat napparsimalerpoq arfininngorneq, meeqqap ulloq napparsimaffia siullertut tunniunneqarpoq.

Allat - Sulisut avataanit aggersakkat

Isumaqatigiissut malinneqassaaq, aningaasaateqarfinnut akiliutit ilanngullugit.

Allat - Pikkorissarnerit il.il.

Sulisartoq pikkorissarnernut peeqataappat ulloq pikkorissarfik ullormut akunnerni arfineq-pingasuni sulinertut naatsorsorneqassaaq, aamma pikkorissarneq akunnernit arfineq-pingasunit sivikinne-
ruppat. Ullormulli pikkorissarneq akunnernit arfineq-pingasunit amerlaneruppata akunnerit pikko-
rissarfiusut tamarmik sulinertut akilerneqassapput.

Assersuut:

- Akunnerni arfinilinni pikkorissarneq, akunnerni arfineq-pingasuni sulinertut akilerneqassaaq.
- Akunnerni aqqaneq-marlunni pikkorissarneq, akunnerni aqqaneq-marlunni sulinertut akilerneqassaaq.

Sapaatip akunnerata naanerani pikkorissartoqanngippat pikkorissarneq illoqarfiginngisami ingerlanneqarpat ullormusianut akit taamaallaat akilerneqassapput.